



REPUBLIKA E SHQIPËRISË
UNIVERSITETI "ISMAIL QEMALI" VLORE
BORDI I ADMINISTRIMIT

Nr. 1366 / Prot.

Vlorë më, 20. 09. 2021

VENDIM

Nr. 32, datë 14. 09. 2021

**PËR
PAGESËN E MBINGARKESËS SË STAFIT AKADEMIK PËR VITIN AKADEMIK
2020- 2021**

Në mbështetje të nenit 49, pika 1, gërma a), ë), të ligjit nr. 80/ 2015 "*Për arsimin e lartë dhe kërkimin shkencor në institucionet e arsimit të lartë në Republikën e Shqipërisë*", nenit 25, pika 1, gërma a), ë), II), të Statutit të Universitetit "Ismail Qemali", Vlorë, Udhëzimit nr. 29, datë 10. 09. 2018 "*Për veprimtarinë dhe ngarkesën mësimore të personelit akademik në institucionet e arsimit të lartë*", shkresës së Administratorit të Universitetit "Ismail Qemali", Vlorë me nr. 1327/3 prot, datë 07. 09. 2021, si dhe shkresës së Zv/ Rektorit Akademik nr. 1296/1, datë 31. 08. 2021, Vendimit të Senatit nr. 36, datë 31. 08. 2021 "*Për pagesën e mbingarkesës mësimore të realizuar për stafin akademik për vitin akademik 2020- 2021*", në mbledhjen e datës 14. 09. 2021 Bordi i Administrimit,

KONSTATON SE:

Pranë Bordit të Administrimit është depozituar shkresa nr. 1327/3 prot, datë 07. 09. 2021 e Administratorit të UV-së si dhe relacioni i Zv/ Rektorit Akademik ardhur me shkresën nr. 1296/1, datë 31. 08. 2021 me anë të të cilave janë kërkuar të paguhen mbingarkesa e stafit akademik për vitin akademik 2020- 2021, të miratuar në mbështetje të Statutit, neni 19 pika 1 gërma e, me vendimin e Senatit Akademik nr. 36, datë 31. 08. 2021.

Gjatë shqyrtimit të shkresave si dhe duke iu referuar vendimeve të mëparshme të Bordit të Administrimit i cili ka lënë rekomandime të herëpashershme lidhur me situatën e mbingarkesës konstaton se edhe për vitin akademik 2020 -2021 vihet re një tejkalim i orëve sipas parashikimit të Udhëzimit nr. 29. Orë këto të cilat janë të buxhetuara si dhe të planifikuara për vitin 2020- 2021. Referuar shkresave vihet re një trend në rritje të orëve suplementare rreth 17, 371 orë, me efekt financiar 16, 009, 895 lekë, në krahasim me vitin akademik 2019- 2020.

Referuar nenit 2, pika 1 e Udhëzimit nr. 29 datë, datë 10.09.2018 "*Për veprimtarinë dhe ngarkesën mësimore të personelit akademik në institucionet e arsimit të lartë*" ku citohet se: "*Çdo orë e realizuar në auditor mbi këtë përcaktim është orë suplementare e cila përllogaritet sipas koeficientëve dhe paguhet e plotë nga IAL-të . Orët suplementare në auditor nuk mund të jenë më shumë se 200 orë. Në raste specifike me propozim të drejtuesit*





REPUBLIKA E SHQIPËRISË
UNIVERSITETI "ISMAIL QEMALI" VLORE
BORDI I ADMINISTRIMIT

të njësisë bazë dhe miratim të drejtuesit të njësisë kryesore, personeli akademik me kohë të plotë mund të mbulojë edhe 100 orë në auditor mbi limitin 200 orë.

Në relacionin justifikues të Zv/ Rektorit Akademik dhe Drejtorisë së Edukimit të Ciklit të parë dhe të dytë të studimit sqarohen për çdo fakultet planifikimi dhe realizimi faktik i orëve mësimore në auditor dhe jashtë tij. Bashkëlidhur këtij relacioni gjendet dokumentacioni i shkresave justifikuese e mbingarkesës mbi 200 orë, ardhur me shkresat përcjellëse nga drejtuesit e njësive bazë dhe atyre kryesore, në respektim të procedurës dhe rekomandimeve të lënë me vendim nr. 54, datë 19. 11. 2020 të Bordit të Administrimit lidhur me rastet specifike të vlerësuara rast pas rasti nga drejtuesi i njësive bazë.

Bordi i Administrimit dhe në vendimet e tij të mëparshme ka konstatuar se "ka njësi bazë në të cilat janë ngarkuar deri në 100 orë shtesë në auditor (si rast specifik) mbi 200 orëshin e mbingarkesës, megjithatë BA nuk mund ti hyj llogjikës akademike nëse mund të konsiderohet kjo situatë si raste specifike apo situatë e përgjithshme, pasi në bazë të parashikimit të Udhëzimit nr. 29, datë 10.09.2018, ky vlerësim dhe përgjegjësia i përket autoriteteve dhe organeve kolegjale përgjegjës për anën akademike. Rasteve specifike i shtohet dhe ngarkesë e pagueshme si orë jashtë auditorit në ndihmë të procesit mësimor (praktika, udhëheqje tema diplomash etj), duke krijuar një situatë ku pedagogë tejkalojnë me 2 apo 3 fish ngarkesën normale të parashikuar nga Udhëzimi nr. 29, datë 10.09.2018, ndërkohë që ka ekzistuar mundësia e një shpërndarje më të drejtë të mbingarkesës brenda njësive bazë, në të cilat rezulton se ka staf akademik me një mbingarkesë të ulët, kjo me qëllim dhe ruajtjen e cilësisë së mësimdhënies.

Me Vendim nr. 47, datë 17.10.2019 si dhe me vendimin nr. 54, datë 19. 11. 2020 Bordi i Administrimit ka rekomanduar: krijimin e nje mekanizmi kontrolli për sa i përket përllogaritjes së ngarkesës në fillim të vitit konform me programet akademike të miratuara, dhe realizimit të saj përgjatë vitit. Krijimin e një mekanizmi dhe vendosjen e filtrave të duhur nëpërmjet drejtuesve të njësive kryesore dhe bazë, përgjegjësve të seksioneve përkatëse si dhe Rektoratit, për kontrollin dhe shpërndarjen e orëve dhe mbingarkesës në auditor dhe jashtë auditorit, në mënyrë sa më të balancuar tek pedagogët, duke evituar tejkalimin e orëve të cilat udhëzimi parashikon qartësisht, dhe duke ruajtur në këtë mënyrë cilësinë në mësimdhënie. Sa i përket pagesës për mbingarkesën e vitit 2020-2021 vihet re se këto mbingarkesa janë certifikuar vetëm nga drejtuesit e njësive kryesore dhe njësive bazë si dhe të verifikuara nga Drejtoria e Ciklit të parë dhe të dytë të studimit duke u ndodhur në disa raste përsëri në kushtet e tejkalimit të normës gati në trefish krahasuar me vitin akademik 2019-2020.

Duke e trajtuar çështjen e ngarkesës dhe mbingarkesës si një çështje akademike dhe në bazë të LAL u përket për diskutim, monitorim, vendimarrje dhe certifikim autoriteteve dhe organeve përgjegjës për anën akademike (Rektor, Senat), lind nevoja nga ana e tyre e bërjes së analizës së situatës lidhur me nivelin e lartë të mbingarkesës së raportuar e cila jo gjithmonë lidhet me numrin e studentëve por me planifikim, menaxhimin dhe shpërndarjen e orëve.

Adresa /Adress: Bulevardi Vlore-Skele



web-site: www.univlora.edu.al



REPUBLIKA E SHQIPËRISË
UNIVERSITETI "ISMAIL QEMALI" VLORE
BORDI I ADMINISTRIMIT

Bordi i Administrimit vëren gjithashtu një mbingarkesë relativisht të lartë të orëve jashtë auditorit (praktikë), në disa njësi kryesore si dhe një rishpërndarje jo të drejtë të këtyre orëve brenda disa njësive bazë. Për këtë arsye kërkon nga ana e Autoriteteve dhe Organeve përgjegjëse për anën akademike diskutimin dhe miratimin e masave për rregullimin e përllogaritjes dhe kontrollin e realizimit të praktikave mësimore.

Sa më sipër Bordi i Administrimit në mbledhjen e datës 14. 09. 2021.

VENDOSI:

1. Të miratojë pagesën e mbingarkesës mësimore për vitin akademik 2020- 2021 deri në 200 orë.
2. Referuar nenit 2, pika 1 e Udhëzimit nr. 29 datë, datë 10.09.2018 "*Për veprimtarinë dhe ngarkesën mësimore të personelit akademik në institucionete arsimit të lartë*", të miratojë pagesën e mbingarkesës mësimore për vitin akademik 2020-2021 nga 200-300 orë për orët suplementare në auditor, vetëm për rastet ku ekziston propozimi i drejtuesit të njësisë bazë dhe miratimi i drejtuesit të njësisë kryesore, i cili e konsideron rastin si specifik.
3. Të miratojë pagesën për orët jashtë auditorit, referuar shkresave të zv/Rektorit Akademik dhe Administratorit.
4. Efekti financiar do të përballohet nga buxheti i Universitetit "Ismail Qemali", Vlorë.
5. Ngarkohet për zbatimin e këtij vendimi Administratori dhe Drejtoria e Shërbimeve Mbështetëse.
6. Kopje këtij vendimi i përcillen për dijeni Rektoratit dhe Senatit Akademik.
7. Ky vendim hyn në fuqi menjëherë.

KRYETAR
Dr. ERVIS MOCKA

